



# BULETIN

PERSATUAN PEGAWAI-PEGAWAI PENJARA

2015

JABATAN PENJARA MALAYSIA



## Ucapan Aluan Pengerusi



Assalamualaikum warahmatullahi wabarakatuh, Salam Sejahtera Salam 1Malaysia dan Salam 1Penjara, ‘Memperkasakan Modal Insan, Kebajikan Diutamakan, Organisasi Dimartabatkan’.

Terlebih dahulu saya melafazkan kesyukuran ke hadrat Allah SWT atas rahmat dan inayahNya telah merahmati kita semua sepanjang tahun 2015 ini. Saya dan barisan Exco akan terus memberi komitmen yang tinggi dalam aspek kebajikan kakitangan. Saya juga turut mengambil kesempatan ini merakamkan penghargaan kepada pihak pengurusan tertinggi jabatan terutama YBhg. Dato’ Sri Haji Zulkifli bin Omar, Komisioner Jeneral Penjara atas keprihatinan YBhg. Dato’ Sri untuk hadir dalam setiap program dan aktiviti yang diaturkan oleh pihak persatuan sepanjang tahun 2015. YBhg. Dato’ Sri bersama YBhg. Datin Sri juga telah sudi meluangkan masa untuk menziarahi ahli-ahli POA yang ditimpa musibah dan menyampaikan sumbangan bagi meringankan beban yang ditanggung oleh mereka. Saya juga menyeru kepada semua perwakilan POA di seluruh institusi penjara untuk mengambil pendekatan yang sama iaitu pendekatan ‘turun padang’ dengan menziarahi ahli-ahli POA yang ditimpa musibah dan membantu mereka sebaik mungkin. Maklumat-maklumat juga boleh disalurkan kepada ahli-ahli exco untuk tindakan selanjutnya.

Sepanjang tahun 2015 ini, pihak persatuan bersama pihak pengurusan tertinggi jabatan telah melaksanakan beberapa program *engagement* dengan pihak KDN dan JPA antaranya;

- i. Pertemuan dan perbincangan bersama Pengarah Bahagian Saraan JPA  
Melalui pertemuan ini beberapa perkara telah dibangkitkan berkaitan dengan isu elaun pegawai penjara
- ii. Pertemuan dan perbincangan bersama Timbalan Ketua Pengarah Perkhidmatan Awam (Pembangunan)
- iii. Lawatan pihak JPA dan KDN ke Penjara Kajang dan Kem Pemasyarakatan Gemas.  
Melalui lawatan ini pihak JPA dan KDN lebih memahami budaya kerja di Jabatan Penjara Malaysia. Pembentangan berkaitan beberapa permohonan elaun juga dilaksanakan.
- iv. Pertemuan dan perbincangan bersama Timbalan Pengarah Bahagian Pembangunan Organisasi JPA.  
Melalui pertemuan ini telah dibincangkan berkaitan dengan penambahbaikan skim perkhidmatan pegawai penjara

- v. Perbincangan dengan Bahagian Saraan berkaitan elauan BIK pegawai latihan yang dipinjamkan daripada institusi ke pusat-pusat latihan. Pegawai yang dipinjamkan akan tetap menerima BIK.
- vi. Persatuan juga telah mencadangkan supaya elauan BIK (Bayaran Insentif Ketukangan) kepada pembantu guru pertukangan diperluaskan kepada semua peringkat kakitangan dan telah diluluskan oleh Pengurusan Tertinggi Jabatan melalui pindaan Perintah Tetap Perintah Tetap Komisioner Jeneral Penjara K:001 Garis Panduan Bayaran Insentif Ketukangan (BIK) Jabatan Penjara Malaysia

Justeru sempena tahun 2016 ini, saya ingin memperkenalkan konsep “Merakyatkan POA”. Melalui pendekatan ini perwakilan POA secara keseluruhannya adalah sebagai *key player* dan *anchor* kepada program-program kebajikan samada di peringkat Jabatan mahupun di peringkat institusi. Strategi yang perlu diambil untuk mencapai hasrat ini adalah:

- **KETERBUKAAN ‘Minda Terbuka, Mudah Didekati’.**

Sikap keterbukaan dan mudah didekati perlu diamalkan oleh kesemua perwakilan POA agar ahli berasa selesa untuk berhubung dan berinteraksi. Sedia menerima idea dan kritikan membina dengan hati dan minda terbuka untuk menambahbaik aspek kebajikan ahli sedia ada.

- **TURUN PADANG ‘Pasang Telinga, Buka Mata’.**

Jejak mesra perwakilan POA dengan mendekati ahli secara pro-aktif. Ia adalah pendekatan berkesan untuk mengenal pasti isu-isu, mengetahui masalah dan keperluan ahli, seterusnya, menyelesaikankannya dengan secepat mungkin.

- **MUSYAWARAH ‘Penglibatan, Penerangan dan Ekspektasi Jelas’.**

Pendekatan musyawarah mengambil kira pandangan, maklum balas dan penglibatan ahli dalam mencorakkan aspek kebajikan ahli

- **INSANIAH ‘Keseimbangan Rohani dan Jasmani’.**

Ahli POA yang cemerlang adalah AHLI yang seimbang dari aspek spiritual (kekuatan rohani) dan fizikal (kekuatan jasmani).

- **KEKITAAN ‘Meraikan Perbezaan, Mengukuhkan Persamaan’.**

Berlandaskan semangat kekitaan, semua ahli POA perlu bergerak sebagai satu entiti, membuang mentaliti silo dan berkongsi sumber, pengetahuan serta kepakaran dalam menjayakan agenda transformasi jabatan.

- **KERJASAMA AWAM-KDN-JPA ‘Perkongsian Sumber dan Kesepakatan’.**

Persatuan akan meningkatkan kerjasama strategik dengan pihak KDN dan JPA bagi meningkatkan aspek kebajikan ahli dari aspek skim perkhidmatan, skim gaji dan kemudahan-kemudahan dalam perkhidmatan.

Tahun 2015 telah berlalu meninggalkan kita dengan pelbagai catatan hitam putih kehidupan yang dilalui oleh setiap ahli persatuan. Perjalanan setiap ahli tersebut memberi kesan kepada imej Jabatan Penjara Malaysia. Saya dan barisan exco mengucapkan tahniah kepada ahli-

ahli yang bertungkus-lumus untuk menaikan imej jabatan samada di peringkat kementerian, perkhidmatan awam dan di persada dunia. Saya juga mengambil kesempatan mengucapkan tahniah kepada pengurusan tertinggi jabatan kerana telah berjaya meletakkan jabatan antara tiga finalist Anugerah Inovasi Perdana Menteri 2015 yang menjadi anugerah yang sangat berprestij dalam perkhidmatan awam di negara kita. Kejayaan-kejayaan yang dilakarkan ini sebenarnya akan memudahkan laluan untuk meningkatkan aspek kebajikan ahli persatuan melalui permohon-permohonan jabatan dan persatuan kepada pihak kerajaan bagi mengkaji skim perkhidmatan, gaji dan elauan pegawai penjara.

Menelusuri tahun 2016 ini, saya menyeru kepada semua ahli agar untuk terus meningkatkan perkhidmatan agar visi jabatan sebagai peneraju perkhidmatan korektif sentiasa tertanam dalam benak dan minda setiap ahli. Marilah sama-sama kita bertekad menanam azam dan semangat untuk melaksanakan tugas, melunaskan tanggungjawab menunaikan amanat untuk memastikan visi dan misi jabatan tercapai dan penyampaian perkhidmatan korektif kepada rakyat terus dipertingkat. Tunaikanlah amanah kerja ini dengan penuh keikhlasan dan jauhkanlah anasir-anasir yang boleh menggugat integriti diri.

Sekian, terima kasih.



**TKP. HAJI AHMAD FAUDZI BIN HJ. AWANG**

## SIDANG REDAKSI

BULETIN POA 2015

### **Penasihat**

TKP Haji Ahmad Faudzi Bin Hj. Awang

### **Pengerusi**

YBhg. TKP Dato' Haji Abdul Aziz Bin Abdul Razak

### **Ahli-ahli**

TKP Ariffin Bin Mohd Noor

PKP Zaidi Bin Hamid

PPP Aznan Bin Omar

PPP Abdul Razak Bin Darus

PPP Ismail Nasaruddin Bin Mat Awi

Sjn. Mohd. Hasri Bin Hassan

Sjn. Mohd. Adinan Bin Tajudin

Sjn. Mohd Nahar Bin Mohd. Yusof

Sjn. Azhari Bin Mohamad Shariff

Kpl. Rumaizi Bin Ibrahim

## DIALOG BERSAMA YBHG. DATO SRI HAJI ZULKIFI BIN OMAR

Pada 9 Ogos 2015 satu majlis perjumpaan antara Komisioner Jeneral Penjara, YBhg. Dato' Sri Haji Zulkifli bin Omar bersama para perwakilan POA. Majlis berlangsung di Hotel Grand Alora, Alor Setar, Kedah.



Majlis bertujuan untuk merapatkan lagi hubungan antara para perwakilan dengan ketua jabatan di samping mendengar taklimat daripada YBhg. Dato' Sri berkaitan dengan isu-isu terkini serta hala tuju jabatan.



### **Ucapan YBhg. Dato' Sri Haji Zulkifli bin Omar, Komisioner Jeneral Penjara Malaysia.**

Dalam majlis tersebut, perwakilan juga diberi peluang untuk mendapatkan beberapa pencerahan berhubung dengan isu-isu yang menimbulkan masalah kepada jabatan selain memberi pandangan serta cadangan dalam menanganinya.

Majlis ini turut dihadiri oleh Timbalan Komisioner Jeneral Penjara (Pengurusan), YBhg. Dato' Wan Abdul Rahman bin Abdullah, Pengarah Dasar Kepenjaraan, YBhg. Dato' Alzafry Mohamed Alnassif bin Mohamed Adahan bersama-sama barisan EXCO Persatuan Pegawai Penjara Malaysia.



## LAWATAN KERJA JABATAN PERKHIDMATAN AWAM (JPA)

- i. Pada 28 Disember 2015, tiga Pegawai dari bahagian Saraan Jabatan Perkhidmatan Awam yang diketuai oleh Puan Norbaya binti Othman, Timbalan Pengarah Perunding Kanan 1(Dasar Gaji dan Elaun) bersama Encik Kamarul Arifin bin Abd. Aziz, Ketua Penolong Pengarah , Dasar Elaun dan Encik Muhamad Hilfi bin Ab. Latif, Penolong Pengarah Dasar telah membuat lawatan ke Pusat Pemulihan Pemasyarakatan Kem Syed Sirajuddin, Gemas.



Lawatan tapak bertujuan untuk mendapatkan gambaran sebenar keperluan yang terkandung dalam asas permohonan oleh pihak Persatuan Pegawai Penjara (POA) dalam penambahbaikan Bayaran Insentif Ketukangan (BIK) kepada anggota yang bertugas di Kem Pemasyarakatan.

Lawatan diiringi oleh Pengarah Parol dan Perkhidmatan Komuniti, TKP Abdul Aziz bin Mohamad, Pengarah Penjara Negeri Sembilan PKK Hafidz bin Othman dan pegawai-pegawai daripada Pusat Pemasyarakatan Gemas. Dua EXCO Persatuan Pegawai Penjara, TKP Ariffin bin Mohd Noor, selaku Setiausaha POA dan PKP Zaidi bin Hamid turut sama menyertai lawatan tersebut.



**MAJLIS JASAMU DI KENANG  
DAN ANUGERAH ANAK-ANAK CEMERLANG**

**ZON SELATAN**



ZON UTARA 1



## ZON UTARA 2



ZON SARAWAK



ZON SABAH



ZON TIMUR



ZON TENGAH



## KEPRIHATIAN POA

Persatuan Pegawai Penjara Malaysia (POA) merupakan sebuah persatuan yang diwujudkan bagi tujuan memajukan kepentingan ahli dalam aspek kemasyarakatan, kebajikan dan juga perkhidmatan. Setakat ini, sumbangan yang dihulurkan hanya kepada ahli bersara, anak cemerlang pelajaran, anak memasuki IPTA/IPTS dan kematian.



Justeru untuk menambah kebaikan dan kebajikan terhadap ahli, beberapa cadangan telah dibuat bagi menambahbaik dari sudut kebajikan ahli dengan mewujudkan beberapa sumbangan kepada ahli-ahli yang ditimpa kesusahan dan musibah melalui POA *Relief Fund* (POARF).

Matlamat utama POARF ini diwujudkan supaya setiap ahli POA merasakan diri mereka masih dihargai dan dihormati walaupun semasa ditimpa musibah dan bencana. Selain bertujuan menjaga hal ehwal kebajikan ahli, serta meringankan bebanan semasa dalam kesusahan, ia juga memberi kesedaran kepada pegawai penjara yang tidak menjadi ahli mengenai keistimewaan apabila berada di bawah naungan POA.



Tiga jenis sumbangan melalui POARF ini ialah sumbangan penyakit kronik, sumbangan bencana dan sumbangan atas kematian.

Sumbangan penyakit kritikal diberikan kepada ahli, suami/isteri ahli dan anak kandung ahli berusia bawah 21 tahun (kecuali anak istimewa tiada had umur) yang mengidap penyakit-penyakit kronik. Jumlah sumbangan yang diberikan kepada ahli adalah sebanyak RM 300.00 sementara RM 200.00 untuk pasangan dan anak-anak ahli.

### STATISTIK KESELURUHAN SUMBANGAN POARF 2015

JENIS SUMBANGAN		JUMLAH SUMBANGAN		JUMLAH PENUH (RM)
		AHLI	PASANGAN/ANAK	
Sumbangan Kematian		9,150.00	3,800.00	12,950.00
Sumbangan Penyakit Kritikal		6,000.00	1,200.00	7,200.00
Sumbangan Bencana	Kebakaran	2,500.00		2,500.00
	Banjir	146,100.00		146,100.00
JUMLAH KESELURUHAN				168,750.00

Sumbangan bencana pula diberikan kepada ahli yang ditimpa bencana seperti kebakaran, banjir, ribut atau sebagainya yang menyebabkan kerugian kepada harta benda dengan jumlah yang besar. Jumlah sumbangan adalah bergantung kepada beban kerugian yang ditanggung akibat bencana tersebut.



Sumbangan Kematian pula diberikan atas sebab kematian ahli, suami/isteri dan anak kandung ahli berusia bawah 21 tahun (kecuali anak istimewa tiada had umur). Jumlah sumbangan yang diberikan adalah sebanyak RM 300.00 bagi kematian ahli, sementara RM 200.00 sekiranya kematian pasangan dan anak-anak ahli.

**BENGKEL PEMURNIAN  
PERATURAN PERSATUAN PEGAWAI PENJARA ( POA)**



**KURSUS PEMANTAPAN KENDIRI PERWAKILAN POA**

Pada 8-11 Jun 2015 satu kursus yang dinamakan Kursus Pemantapan Kendiri Perwakilan POA telah diadakan di Institut Koreksional Malaysia (IKOM) Tanjung Kling Melaka. Program ini bertepatan dengan keputusan yang telah dibuat dalam Mesyuarat Jawatankuasa Kerja POA Bilangan 2 Tahun 2015. Kursus yang bertujuan untuk memberi penyegaran serta kesedaran terhadap tanggungjawab perwakilan POA telah dihadiri seramai 64 peserta terdiri daripada wakil-wakil POA institusi seluruh Malaysia.



Antara pengisian dalam kursus ini, para perwakilan didedahkan kepada pembentangan mengenai Halatuju Persatuan Pegawai Penjara, *Key Performance Indicator (KPI)* Perwakilan POA selain memperjelaskan lebih mendalam peranan dan tanggungjawab perwakilan terhadap persatuan.



Para perwakilan juga didedahkan dengan tatacara berfikir dan tatacara pengurusan yang cekap dalam melaksanakan tugas-tugas yang sedia ada dalam persatuan seperti pengurusan pendaftaran insuran ahli, tuntutan insuran ahli, mengendali Majlis Jasamu Dikenang dan juga tuntutan-tuntutan kebajikan ahli. Perwakilan juga diberi kesempatan untuk membuat sebarang pertanyaan dan soalan serta berbincang dalam menyelesaikan permasalahan yang dihadapi.



Pada majlis penutupan kursus yang dirasmikan oleh Tuan Haji Ahmad Faudzi bin Awang, Pengurus Persatuan Pegawai Penjara, para perwakilan juga telah meraikan majlis perpisahan Sub Inspektor Abdul Fatah bin Yeop Said salah seorang Jawatankuasa Kerja POA yang akan bersara. Antara ucapan penutupan, pengurus amat berharap agar kursus tersebut dapat memantapkan lagi prestasi para perwakilan POA dalam melaksanakan tugas dan tanggungjawab yang ada dalam persatuan.

